

仿印
宋本
黃山谷內集

4

山谷詩集注卷第六

常父惠示丁卯雪十四韻謹同韻

賦之

春皇賦上瑞來寧黃屋憂

王子年拾遺曰伏犧以木德稱

王故曰春皇是謂太昊文選謝惠連雪賦曰盈尺則呈瑞於豐年漢書高帝紀曰紀

信乘王車黃屋左纛注謂天子車以黃繒為蓋裏。文選范曄詩黃屋非堯心又漢

書堯以天下為憂

下令走百神大雲庇九丘

史記管仲

傳曰下令於流水之源詩云懷柔百神佛經曰慈意妙大雲又京房易飛候曰視西

方有大雲五色其下賢人隱也書序曰九州之志謂之九丘丘聚也風聲將

仁氣艷艷生瓦溝

仁氣見禮記退之詩威風挾惠氣又詩屋角月

艷艷樂天詩富貴來不父倏如瓦溝霜

寒花舞零亂表裏照

皇州

韓詩外傳曰凡草木花多五出雪花獨六出宋書曰大明中元日雪花降

殿庭上以為嘉瑞太白詩我舞影凌亂選詩曰春色滿皇州

千門委主

壁曉日不肯收

文選謝惠連雪賦曰既因方而為主復遇圓而成壁

元年冬無澤穴處長螟蟲

後漢明帝詔曰冬無宿雪春不

奧沐相帝詔曰頃雨澤不沾漢書五行志曰辟不思導利茲謂無澤此借用其字翼

奉傳曰巢居知風穴處知雨。爾雅釋虫曰食心曰螟食根曰蠹食葉曰蟥食節曰

賊兩宮初盱食補袞獻良籌

兩宮謂仁太后及宣

哲廟漢書灌夫傳曰辟睨兩宮間左傳伍
負曰楚君大夫其盱食乎詩曰衮職有闕

仲山甫補之**有道四夷守無征萬邦休**左傳曰天子有

道守在四夷書**耆年秉國論涇渭極分流**

書文侯之命曰罔或者耆壽俊在厥服予則
罔克文選王元長曲水序曰耆年闕市井

之遊此借用漢書薛宣傳曰謀王體斷國
論元祐初宰輔多老成故云爾涇渭分流

言流品不雜也已見上注**輟耒入班品逸**

老杜詩濁涇清渭何當分

民盡歸周輟耒謂起自田里如莘野之事
楚辭九辯曰農夫輟耕而容與

皇甫湜祭柳子厚文云驟閱班品按通典
自魏以下官有九品而梁又更定十八班
歸周用伯夷太**股肱共一體間不容戈矛**
公事見孟子

文選王褒四子講德論曰君為元首臣為股肱明其一體相須而成前漢枚乘書曰

間不容髮晉書閻續傳曰一日不人材如朝其間容刀書費誓曰鍛乃戈矛

金玉同美異剛柔金柔玉剛要皆美材政當兼收而並用也

須眾賢和乃可踈共漢書劉向曰眾賢和於朝則萬物和

於野共謂共工咬謂驩兜古文驩作鴈兜作咬書舜典曰流共工于幽州放驩兜于

崇山改弦張敝法病十九已瘳漢書董仲舒曰琴瑟不調

甚者必解而更張之乃可鼓也為政而不行甚者必變而更化之乃可理也退之詩

癘疫每潛遘十家無一瘳王指要不匿蝕非日月羞庚盤

曰王播告之修不匿厥指孟子曰古之君子其過也如日月之食民皆見之及其更

也民皆仰之

桑林請六事河水問九疇

呂氏春秋曰昔

殷湯尅夏而大旱湯乃身禱於桑林剪其髮剝其手自以爲犧用求福於上帝淮南

子注曰桑山之林能興雲致雨故禱之後漢書周舉傳曰成湯遭災以六事尅已注

引帝王紀曰湯伐桀後大旱七年使人持三足鼎祝於山川曰政不節邪使人疾邪

苞苴行邪讒夫昌邪宮室營邪女謁行邪何不雨之極也書洪範王訪于箕子箕子

乃言曰我聞在昔鯀殛洪水汨陳其五行鯀則殛死禹乃嗣興天乃錫禹洪範九疇

天意果然得玄功與吾謀

漢書息夫躬傳曰民心說而天

意得矣吳融雪詩曰自此物有嘉德占年憐曾未至聊復賦玄功

在麥秋

左傳曰謂其上下皆有嘉德無羊詩曰大人占之衆維魚矣實維豐

年禮記月令近臣知天喜玉色動冕旒儒

館無他事作詩配崇丘老杜詩天顏有喜近臣知玉色見禮

記玉藻詩小雅曰崇丘萬物得極其高大也

丘詩

詠雪奉呈廣平公宋盈祖

連空春雪明如洗忽憶江清水見沙上句舊作

春空晴碧來飛雪沙以喻雪劉禹錫浪淘沙辭曰卷起沙堆似雪堆退之詩山淨江

見沙夜聽踈踈還密密曉看整整復斜斜

淵明詩密密堂前柳杜牧之栽竹詩云歷歷羽林影踈踈煙露姿又臺城曲云整整

復斜斜隨風回共作婆娑舞天巧能開頃

刻花共字舊作解又作乍。曹子建洛神賦曰飄飄兮若流風之回雪老杜詩

急雪舞回風詩東門之粉注云婆娑舞也

本事詩陸暢雪詩曰天人寧底巧翦水作

飛花沈玠續仙傳玠七七詩政使盡情寒

云解醺逡巡酒能開頃刻花退之詩無心花裏

至骨不妨桃李用年華鳥更與盡情啼又

詩感謝情至骨歐公雪詩應憐

鐵甲冷徹骨四十餘萬屯邊兵

次韻宋楙宗僦居甘泉坊雪後書懷

漢家太史宋公孫漫逐班行謁帝閣揚雄甘泉

賦曰選巫咸燕頷封侯空有相蛾眉傾國

兮叫帝閣

自難昏

後漢班超傳相者曰生燕頤虎頸飛而食肉萬里侯相也離騷曰衆

女嫉余之蛾眉兮謠詠謂余以善淫漢書李延年歌曰北方有佳人絕世而獨立一

顧傾人城再顧傾人國

家徒四壁書侵坐馬聳三山

葉擁門

漢書司馬相如傳曰家徒四壁立元稹望雲騅歌曰勝聳三山尾株

直山谷此句用官清馬骨高之意僧無可詩開門落葉深劉禹錫詩風驅葉擁堦

安得風帆隨雪水江南石上對窪尊

老杜詩一

日過海收風帆雪浪見上雪水注元結有窪尊銘今在武昌其詳具上注

和荅子瞻和子由常父憶館中故事

東坡詩序大抵謂近歲館中同舍不復飲酒賦詩之樂詩用屏字韻

二蘇上連璧三孔立分鼎

二蘇時分掌內外制連璧見上

注三孔謂文仲經父武仲常父平仲毅父元祐間俱進用三孔新淦人兄弟皆有名

當世漢書崩通傳曰三分天下鼎足而立此借用東坡詩蓋云自君兄弟還鼎立知

有補柳子厚文少小看飛騰中年嗟遠屏

叔仲鼎列天下風撼鵲鴿

枝波寒鴻鴈影常棣詩曰鵲鴿在原兄弟急難禮記兄弟之齒鴈行

老杜詩鴻鴈影連來峽天不桷斯文俱來

集臺省魯論曰天天是桷注謂桷破之老杜詩

諸公衮衮日月黃道明桃李春晝永晉天文志

登臺省

云黃道日之所行也老杜詩
閭闔開黃道衣冠拜紫宸
時平少狂獄

地禁絕鼃鼃晉書張載推論曰時平則才
伏韓詩外傳曰鄉亭之獄曰

狂朝廷之獄曰獄退之釋言曰職親而地
禁國語范蠡對王孫曰吾鼃鼃之與同者

周禮蠃氏掌去鼃鼃頗懷修故事文會陳果茗漢書
魏相

傳曰好觀漢故事魯論曰以文會友晉書
陸納傳謝安詣納納所設惟茶果而已

當時群玉府人物殊秀整穆天子傳曰群
玉山先王之所

謂策府世說曰李元禮風格秀整高自標
持柳子厚文森然炳然若開群玉之府

下直馬闌闌杯盤具俄頃下直見上注蜀
都賦曰車馬雷

駭轟轟闌闌老杜送王評事詩曰家貧無
供給客位但箕帚俄頃羞頗珍寂寞人散

後共醉凌波襪誰窺投轄井

凌波襪見上注漢書陳遵

傳每大飲賓客滿堂輒關門取客轄投井中

天網極恢疎道山

非簿領何曾歸閉門燈火坐寒冷

老子曰天網恢

恢疎而不失文選劉公幹詩曰沉迷簿領書回回自昏亂蓬萊道山天帝圖書之

也欲觀太平象復古望公等

唐書牛僧孺傳曰太平無

象詩曰車攻宣王復古也史記平原君傳曰公等錄錄老杜詩致君堯舜付公等

賤子託後車當煩煮湯餅

漢書樓護傳王邑稱賤子上壽

文選魏文帝與吳質書曰文學託乘於後車老杜詩賤子請具陳

雙井茶送子瞻

雙井在洪州分寧縣山谷所居也

人間風日不到處天上玉堂森寶書

梁公記四

曰羅子春為梁武帝入龍洞求珠得食如花藥膏飴食之香美齋食至京師得人間

風日乃堅如石不可食此句全用其字龍濟頌云日月不到處特地好乾坤玉堂見

上注文選江淹擬休上人詩曰寶書為君掩李善注引道學傳曰夏禹撰真靈之玄

要集天官之寶書想見東坡舊居士揮毫百斛瀉

明珠蘇公元豐二年謫黃州築室於東坡自號東坡居士老杜八仙歌曰揮毫

落紙如雲煙盧緄四注起事曰張我家江

南摘雲腴落磴霏霏雪不如神仙傳太真夫人曰九轉

丹四名朱光雲碧之腴文選苦寒行雪落何霏霏李善注引詩曰雨雪霏霏老杜詩

新詩錦
不如

爲君喚起黃州夢獨載扁舟向五

湖

老杜詩衆鷗爛熳睡喚起霑盤飧杜牧詩十年一覺揚州夢贏得青樓薄倖名

越語曰范蠡乘輕舟以浮於五湖此云獨載言不與西子俱也

和荅子瞻

一月空回長者車報人問疾遣兒書

文選陶淵

明詩窮巷隔深轍頗回故人車顏延年詩林間時晏開亟回長者轍按漢書陳平傳

曰門多長者車轍山谷以病目不出故云維摩經曰佛告文殊師利汝行詣維摩問

疾老杜詩愛竹遣兒書

翰林貽我東南句窓間默坐

得玄珠

靜女詩云貽我彤管玄珠以比東坡之詩東坡謝山谷餽雙井茶詩

末句云明年我欲東南去盡舸何時宿太湖莊子曰黃帝遊乎赤水之北還歸遺其玄珠使知索之而不得使離朱謨諾索之而不得也乃使象罔象罔得之故園

溪友膾腹腴遠包春茗問何如禮記少儀曰羞濡魚

杜者進尾冬右腴注曰腴腹下也老玉堂下

直長廊靜為君滿意說江湖翰林誌曰每下直出門相

謹謂之小三昧出銀臺乘馬謂之大三昧

西京賦曰長廊廣廡退之書云敢避其煩黷懷不滿之意於受恩之地哉

子瞻以子夏丘明見戲聊復戲荅

子瞻詩云誦詩得非子夏學紬史正作丘明書天公戲人亦薄

相故遣幻
醫生明珠

化工見彈太早計端為失明能著書

史記賈誼

傳曰造化為工莊子曰且汝亦太早計見卯而求時夜見彈而求鴉炙漢書司馬遷

書曰左氏失明厥有國語史記曰虞卿非窮愁亦不能著書

邇來似天

會事發淚睫見光能墮珠

盧仝月蝕詩曰蝦蟇敢將天眼

瞎又云當時常星沒星雨如拼漿似天會事發叱喝誅姦強栢子新論曰孟嘗君淚

下承睫博物志曰鮫人泣而成珠老杜詩目眩隕雜花

喜公新賜紫

琳腴上清虛皇對久如

真誥詩曰漱此紫瓊腴又曰玉華餞

琳腴黃庭內景經曰上清紫霞虛皇前太上大道玉晨君務成子注云虛皇者紫清

太素高虛洞曜三光元道君內號也對久
如謂奏對久之南有嘉魚詩烝塵也塵然
猶言久如也維摩經曰舍利弗言天止請
此室其已久如王介甫詩看雲坐久如請

天還我讀書眼願載軒轅訖鼎湖

雲溪友議載王

梵志詩曰還爾天公我還我未生時東坡詩讀書眼如月罅隙靡不照軒轅謂神

宗時山谷修實錄史記封禪書曰黃帝鑄鼎於荆山之上鼎既成有龍垂胡髯下迎

黃帝後代因名其處曰鼎湖漢書司馬遷傳贊曰接其後事訖于天漢揚雄傳曰太

史公記六國歷楚漢訖麟止

省中烹茶懷子瞻用前韻

閣門并不落第二竟陵谷簾定誤書

舊本云閣